

序

明末士君子爭以文章氣節相尚其持論侃侃不辟
權貴一時危言卓識不在朝而在野發為制義古文
辭深純爾雅稟法先正一切褻僻之說無繇雜亂制
義古文辭而外究心一代掌故利害興革各有成說
可見之行彬彬郁郁有東京俊乂之風焉於時四方
諸君子各結社以相切劘砥礪東鄉吳閭雲間宛上
壇坫相望而社之最著聲者莫過復社幾社社稿盛
行於世才俊之士瞻炙社稿者視春秋闡義不啻過
之而吾鄉直社繼起雖稍後於二社而聲名與之角

立才俊之士膾炙直社稿者幾與二社稿等誠廣陵
盛事一時巨觀也未幾值甲乙之變諸君子多避地
僻壤無復尊酒論文雅會或謝去制義尚攻古文辭
嗚呼是諸君子予猶及見其盛又覩其衰又覩其喪
亡而余亦老矣諸君子各有集而王築夫雷伯籲兩
先生文尤為世所誦法兩先生文矍矩森嚴措辭爾
雅斟酌漢唐宋諸家出之得其神解使覽者不能目
之為漢唐宋諸家而能卓然自成一家言者也予生
稍晚不及從直社諸君子遊而獲交於兩先生而與
王先生往來尤數先生屢以集序相委予逡巡不敢

任殆將歿矣猶諄諄言之予不敢固辭以負老友之
託序甫脫稿而雷先生子希樂賁全稿渡江乞予弁
首予謂兩先生文學同氣節同海內聲譽同今序王
先生文猶之序雷先生文也詹詹小言又奚俟再辱
為哉自兩先生歿後死諸君日憂遺稿散失今悉付
剞劂告厥成功兩先生靈爽有知定稱快九京而予
輩喜兩先生有肯堂肯構之子深為兩先生賀也至
兩先生內行甚修誌傳中已特書屢書不敢復贅茲
述其締交結社始末誌傳不及詳者殿以為異時傳
文學逸者有徵焉

同學小弟宗元豫拜撰

傳

處士姓王氏名天佑字平格寶應縣學廩生也國變後更名巖字築夫學者或稱為築夫先生云先世由長安徙家揚州一傳而生司理公思賢為先生大父父言綽與世父言綸俱高才宿學迄不售言綸以歲貢為訓導數年歸老言綽則以諸生不得志早抑鬱以終先生天性孝友博學工文章聲籍籍膠庠間執經問業者日眾自食餼以暨修脯所入無私蓄悉以奉尊人出入無間婦豐於奩亦能體先生意弗少惜惟願獲二人歡心二人歿後先生每家祭必誠必敬

凡齋戒沐浴主人主婦駸奔分獻一如古輓近所未
嘗觀也北都之變先生年方強仕楊太君明於大義
願與偕隱先生既不應制舉專肆力古文辭非先秦
兩漢之書不讀非韓柳以上之文晉魏初盛之詩不
為其學也如是其誨人也亦如是從游著名者指不
勝屈四方賢豪愈重先生品行名公巨卿每車過仰
上多式廬上金幣為壽仕於茲土知先生者擁篲
延訪惟恐不一見素封之家商賈之族靡不以得先
生片言為光寵所贈遺極厚輒分給諸戚屬文游中
窮乏者無恡兩弟皆不善治生數瀕于困仗先生以

甦有告急值先生囊亦罄時必竭力轉圜以濟之無
厭倦一妹夫以官累妹舉家待先生舉火冢婦之兄
逃難走京師以寡母及妻孥寄托先生慨然任之為
拮据供贍數年如一日念天下將亂維揚處必爭之
地衆競出城時先生不出衆不出城時先生挈家出
卒免於難兩避地於安宜昭陽者久之所至為國人
矜式耄年乃還廣陵至七十有七而卒卒之日家無
長物門人翟氏孫氏方氏為之棺斂成禮可慨也夫
先生生平言笑不苟豐頤盛鬣規行步矩儼然望而
畏敬之及其即之絕無峻言厲色加于人所著述貫

白田文集
卷一
序
穿經史多不刊之論正而不纖質而不靡不屑臨襲
前人一語其盱衡治略酌古準今經濟裕如期有裨
實用匪徒托諸空言無補也白田文集三十餘卷藏
于家先生既葬其子寬以傳請誼不可辭述先生節
槩著其實耳若溢若諛夫何敢

李淦曰文務浮華波沅莫砥而先生特以樸老古奧
貴維揚二子夙稱雷王文固不同守貞樂道則難以
優劣論先君奉督學八閩之命以白金十二鎰聘先
生偕往遴拔士類而先生以母老不遠遊辭亦可以
知其孝思之敦篤矣終其身僦屋以居筆耕以食而

恆以骨肉良友之急為己急若其尚志高操邈世無
悶曾未有憤懣無聊之態其所養尤不可及方之古
人其殆郭有道王彥方之倫與

昭陽同學弟李淦拜譔

白田文集目錄

卷之一

書

寄黎美周書

復葉明府書

寄張公選吏部書

答周盛際書一

答周盛際書二

答周盛際書三

與宗子發書

答宗子發書

答李平子書

答汪戶部書

與孫無言書

答余生生書

寄雷伯籲書

答張天民書

白田文集
目錄
答雷伯顓書

答費此度論喪禮書

答問承重書

與許力臣師六書

再答福建提學李公書

與雷伯顓論殤服書

答饒伯眉書一

答饒伯眉書二

與張韞仲書

寄嚴修人書

卷之二

書

侯葉明府書

答楊鐵星議婚禮書

與雷伯顓求先妣傳穆兒墓表書

與董文友書

答魏和公書

寄魏善伯冰叔和公書

答李梅隱書

與蘇興蒼書

與朱秋崖書一

與朱秋崖書二

與周盛際書

答周子論歸太僕文書

再答周子論歸太僕文書

答李平子書

答何雍南書

答饒白眉論禪服書

答劉子書一

答劉子書二

答季璞先書

卷之三

文序

春秋不傳序

贈張明府序

史論序

兩漢文刪序

獵微閣文集序

桐城縣志序

代

周氏宗儀考序

翟氏新修家乘序

張氏重修家譜序

朱鴻集序

王西樵書楞嚴經咒序

人子寡過篇序

刻太上感應篇序

刻太上感應篇集註序

陸子文集序

空青集序

晴江閣全集序

孫介夫文鈔序

卷之四

詩序

鸞嘯堂詩集序

晚好齋詩存序

蜀相禪智寺唱和詩序

季璞先詩序

增益軒詩稿序

田督學詩集序

悔齋詩集序

先大父高州詩序

華嶽遊詩序

歸途雜感序

十笏草堂辛卯詩序

十笏草堂丙集序

四詩集序

敬亭遊草序

鄭有常詩序

竹院詩集序

詩餘序

穆兒詩序

卷之五

贈送序引

送汪子遊匡廬序

送王阮亭北上序

送王子序

贈臬司金公序

送汪舟次贛榆教士序

送孫子歸黃山序

送宗子發歸興化序

送談青令序

贈前詹事汪辰初序

贈李若海若金序

贈涂子序

贈汪公序

贈孫子序

贈督學田公序

送汪每次出使封王序

贈張縣丞任大名序

贈程生入學序代

募粧梓潼帝君像引

徐確庵著書目引

近鶴菴募重修佛像引

募賑粥疏引

卷之六

壽序